



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1748. usque ad
Annum 1752 - Cum Supplemento ad Ann. 1742. 1745. 1746. & 1748

Luxemburgi, 1754

XLII. Nova concessio, & præfinitio Indulgentiarum pro Fratribus, &
Sororibus Tertii Ordinis Sæcularis S. Francisci Affisiensis. 15. Martii.

[urn:nbn:de:hbz:466:1-74772](https://nbn-resolving.org/urn:nbn:de:hbz:466:1-74772)

1751.
Immunitatis
beneficio
gaudere de-
bent.
Exceptorum
Rei a locis
immunitatis
extrahendi
sunt, servatis
omnibus in
novissima
Constitutio-
ne præscri-
ptis.
Præmissa re-
spectivè ser-
vantur etiam
quoad eos,
qui è carce-
ribus, aut
triremibus,
vel è loco
relegationis
elaph, ad Ec-
cles. confu-
giunt.

Fugitivi è
triremibus,
extrahi ne-
queant ab
Ecclesiis, si-
ne Indulto
Apostolico.

Dat. die 20.
Febr. 1751.

præcedentibus Constitutionibus decreta sunt, in-
dicia nimirum, quæ ad torturam sufficientia
sunt, Episcopo communicari debere, cum hic
Secreti lex minimè impedimento sit; Præterea
extractionem non nisi auctoritate Episcopi, &
cum interventu Personæ Ecclesiasticæ ab eodem
deputandæ faciendam esse; aliæque omnia ser-
vanda, quæ in dictis Constitutionibus leguntur.

§. 5. Quæ hæcenus dicta fuerunt, eorum
etiam respectu servanda sunt, qui ex carceri-
bus, sive ex trireme, sive ex loco eorum re-
legationis effugiunt, & in Ecclesiæ alicujus, vel
loci immunitatis asylum sese recipiunt; si enim
hi Rei, vel damnati propter Hæreseos crimen
sunt, eorum extractio ab Inquisitore faciendæ
erit, ita tamen ut de ea, vel ante, vel post,
Episcopus certior fiat; si verò Rei, aut dam-
nati sint propter aliud delictum exceptum, non
autem propter crimen Hæreseos, sive pro alio
delicto, quod minimè exceptum sit; quoad pri-
mos, extractio fiat Episcopi auctoritate, & Ec-
clesiastica Persona interveniente, ab eodem
Episcopo deputandæ; quoad secundos autem,
ii in Asylo, ad quod confugerint, remanere
sinantur, etiam si ex triremibus cum catenis ef-
fugerint, dummodo a prædictarum triremium,
aliorumve Justitiæ Ministrorum manibus liberi
essent; nisi fortè Episcopus indultum a Sede
Apostolica habeat, ut a triremibus fugitivos
extrahere ab Ecclesiis possit, cum in hoc casu,
ob fugitivum recuperandum, ad eundem re-
currere liceat; vel etiam ad Apostolicam Sedem,
si hujusmodi indulto Episcopus careat;
cum ipsa Sancta Sedes in particularibus casibus,
quoties id delictum exigat, nequaquam
renuat Episcopis auctoritatem impertiri eos ab
Ecclesiis extrahendi, qui è carceribus ac tri-
remibus effugerint, licet criminis excepti minimè
Rei sint. Hæc Inquisitoribus, quæ significare-
mus, habuimus, atque interim illorum singulis
Apostolicam Benedictionem impertimur.

Datum Romæ apud Sanctam Mariam Major-
rem die xx. Februarii MDCCLI. Pontificatus
Nostri Anno Undecimo.

alla tortura, non ostando qui la legge del Se-
greto; nè si faccia l'extrazione, che coll' au-
torità del Vescovo, e coll' intervento di Per-
sona Ecclesiastica, da deputarsi da esso, e con
tutto il rimanente, che nelle dette Costituzio-
ni si legge.

§. 5. Quanto sin'ora si è detto, deve an-
che praticarsi rispetto a quelli, che fuggono
dalle Carceri, o dalla Galera, o dal luogo
della loro relegazione, e che prendono l'asilo
di qualche Chiesa, o luogo immune; imperoc-
chè, se sono Rei, o condannati pel delitto d'
Eresia, l'extrazione dovrà farsi dall' Inquisito-
re, con darne, o dopo, o prima, notizia al
Vescovo; e trattandosi poi di Rei, o condan-
nati per altro delitto eccettuato, e non per
quello dell' Eresia, o per altro delitto non ec-
cettuato; quanto ai primi si faccia l'extrazione
coll' autorità del Vescovo, ed intervento di
Persona Ecclesiastica, da deputarsi da esso; e
quanto ai secondi, si lascino nell' Asilo, a cui
sono ricorsi, ancorchè siano scappati dalle Ga-
lere colle catene, purchè fossero liberi dai Mi-
nistri di dette Galere, o da altri Ministri di
Giustizia; quando il Vescovo non abbia dalla
Sede Apostolica l' Indulto di poter' estrarre dal-
le Chiese i fuggiti dalle Galere; potendosi in
questo caso aver ricorso ad esso, per riavere
nelle mani il fuggitivo; e potendosi anche ri-
correre alla Sede Apostolica, quando il Vescovo
non abbia il sopraddetto Indulto, non rifiucan-
do essa di dare ne' casi particolari ai Vescovi,
quando il delitto lo richieda, l' autorità di
estrarre dalle Chiese i fuggitivi dalle carceri,
e dalle galere, benchè Rei di delitto non ec-
cettuato. Che è quanto dovevamo significare agli
Inquisitori, restando col dare a ciascheduno di
essi l' Apostolica Benedizione.

Datum Romæ apud Sanctam Mariam Major-
rem die 20. Februarii 1751. Pontificatus Nostri
Anno Undecimo.

XLII. Nova Concessio & præfinitio Indulgentiarum
pro Fratribus & Sororibus Tertii Ordinis
Sæcularibus S. Francisci Assisensis.

BENEDICTUS EPISCOPUS,

*Servus Servorum Dei. Ad perpetuam rei
memoriam.*

Romani
Pontificis est
Indulgentias
concedere,
& super con-
cessis dubia
submovere.

AD Romanum Pontificem inexhausti Eccle-
siæ thesauri dispensatorem pertinet In-
dulgentiarum a Prædecessoribus suis, diversis
temporibus, atque rationibus concessarum in-
certitudinem, ac dubia & controversias super
iis excitatas atque vigentes indeque ortas fi-
delium animarum perturbationes, supremâ suâ
auctoritate, juxta probatam Apostolicæ Sedis
consuetudinem, & Sacri Tridentini Concilii
mentem, per opportunas declarationes, cer-
tasque concessiones tollere ac remove, ut
Ecclesiasticæ pacis firmitati, simulque anima-
rum salutis & profectui, ac providæ earun-
dem Indulgentiarum distributioni consulatur.

Fratribus &
Sororibus
Tertii Ordinis
S. Francisci
varie
Indulgentiæ
directè, &

§. 1. Olim siquidem Romani Pontifices Præ-
decessores Nostri Tertium Ordinem Sæcularem,
de Penitentia nuncupatum, Beati Francisci
Assisensis institutione, sub Regulis ab ipso
præscriptis feliciter coalescentem, Apostolicâ

benignitate complexi, ejusdemque Fratres at-
que Sorores specialibus favoribus, & spiritua-
libus gratis ditare volentes, ut uberiora Re-
ligionis & Pietatis incrementa susciperent, præ-
ter alias Indulgentias, ac peccatorum remis-
siones ipsis directè concessas, etiam generali
communicatione in quibuslibet gratiis, privi-
legiis, & Indulgentiis, omnibus & singulis tam
Mendicantium, quam non Mendicantium Or-
dinibus Regularibus, eorumque personis quo-
modocumque a Sede Apostolica indultis, eo-
rumque omnium & singulorum ad prædictos
Fratres atque Sorores extensione, cumularunt.

§. 2. Quamquam verò felicis recordatio-
nis Prædecessor Noster Paulus Papa V., opus
reformationis & moderationis Indulgentiarum
a recolendæ quoque memoriæ Clemente Papa
VIII. altero Prædecessore Nostro, tunc suo,
feliciter inchoatum, pari cum diligentia & stu-
dio prosequutus, Apostolicis Litteris, quarum
initium est: *Romanus Pontifex* die vigesima
tertia Maji Anni millesimi sexcentissimi sexti,
in forma Brevis editis, omnes & singulas In-
dulgentias, & peccatorum remissiones præfatis
Regularibus Ordinibus, eorumque personis,
quocumque modo antea concessas, abrogave-
rit & revocaverit, easque, novis ex integro
in ipsorum favorem indultis, ad modum &
terminos in earundem Litterarum tenore ex-
pressos reduxit; cum tamen præcedentibus

ANNO
1751.
debbono del
beneficio dell'
immunità.
I Rei poi di
delitti ecce-
tuati debbono
no essersi
da luoghi
immuni, ed
servate la
cole praticate
re nell' art.
ma Bolla.
Le legge-
te col re-
pettamente
si essersi
anche con
quei, che
fuggiti dalle
carceri, dal-
le galere, o
da altro luogo
di relega-
zione senza
refugiati alla
Chiesa.

I fuggitivi
delle galere
non possono
estrarre dalle
Chiese senza
Indulto Apo-
stolico.

Dat. die 20.
Febr. 1751.

per commu-
nicationem
cum Ordini-
bus Regularibus
concessa
fuerit.

Paulus V.
Indulgentias
Regularium
retoravit.

Cause dubi-
tandi super
substantia
Indulgentia-
rum Tertii
Ordinis con-
cessarum.

annis a Congregatione tunc existentium Sanctæ Romanæ Ecclesiæ Cardinalium Indulgentiis & Sacris Reliquiis præposita, declaratio quadam sequentis tenoris emanaverit, videlicet: *In generali revocatione Indulgentiarum, quæ in Brevis: Romanus Pontifex Pauli V. habetur, non comprehendit personas, quæ substantialia Religionis vota non emittunt, intra, vel extra Clausura degentes; eaque specialibus Litteris in simili forma Brevis a Venerabilis memoriæ Innocentio Papa XI. Prædecessore quoque Nostro die decima Octobris Anni Millefimi sexcentefimi octogefimi sexti confirmata fuerit; cumque etiam aliæ prodierint Romanorum Pontificum Constitutiones, quibus Indulgentiæ & Gratiæ speciales tam præfato Tertio Ordini directè concessæ, quàm per communicationem cum Ordinibus Mendicantium, & non Mendicantium, ad eundem extensæ, confirmari videbantur; hinc factum est, ut super substantia Indulgentiarum, & Gratiarum hujusmodi, quæ in duabus Litterarum Apostolicarum collectionibus, Bullariis nuncupatis, per Rodericum, & per Confessum vulgatis, juxtâ antiquam earum intelligentiam descriptæ leguntur, plures diversis in locis quæstiones & controversiæ inter Fratres ejusdem Ordinis agitari ceperint, atque etiam in iudicium adduci; prout earundem inconcussam firmitatem, vel respectivè abrogationem, aut etiam in pristinum statum reintegrationem, acrius sustineri, aut ex contraria parte in dubium contigit revocari.*

Plures ex præsentis Indulgentiis à Congregat. Indulgentiarum exclusæ fuerunt.

§. 3. Et quidem prædicta Bullaria, pro eo, quod pertinet ad communicationem omnium Indulgentiarum singulis Ordinibus indultam, nequaquam attendenda esse, dictumque Tertium Ordinem ea tunc sequi non posse, jam in acerrimo partium conflictu decretum & definitum extitit a prædicta Cardinalium Congregatione, Indulgentiis & Sacris Reliquiis præposita, die quinta Februarii Anni Millefimi septingentesimi trigefimi quarti. Quæ etiam Anno sequenti, in ejusdem controversiâ progressu, sub die quinta Octobris declaravit, per revocationem Pauli V. sublatis dici debere Indulgentias illas, quæ Regularibus personis, ac præfato Tertio Ordini communes erant, seu promiscuè antea concessæ fuerant; necnon eas, quibus ejusdem Tertii Ordinis Fratres per viam communicationis, ante ipsam revocationem, fruebantur. De iis autem, quæ ipsis tam antea, quàm post directè concessæ asserbantur, itemque de iis, quas, post sæpèdictam revocationem, per viam communicationis cum Ordinibus Regularibus, sive per extensionem, se obtinuisse contendebant, tam multa adhuc examinanda supererant, ut nonnisi post maturam discussionem singularum Litterarum, & concessionum hujusmodi, judicari posse visum fuerit, an, & quæ veræ, legitime, ac subsistentes, an verò aliqua revocate, aut etiam falsò præsumptæ, vel per subreptionem, & obreptionem obtentæ dici deberent.

De aliis difficile examen, atque iudicium.

§. 4. Cumque proinde multiplices adhuc incertitudines & confusiones hac in re adesse dignoscantur, novissimè verò ad Congregationem Venerabilium Fratrum Nostrorum S. R. E. Cardinalium contra hæreticam pravitatem Generalium Inquisitorum delata fuerint nonnulla Folia & Summaria Indulgentiarum ejusdem Tertii Ordinis, typis impressa ac latè vulgata, in quibus complures referuntur Indulgentiæ, quarum concessiones apocryphas esse, aut revocatas, aut incertas, & contra mentem Sedis Apostolicæ perperam interpretatas agnium fuit; ideoque eadem Cardinalium Inquisitorum Congregatio Nobis proposuerit, valde

Folia impressa super Indulgentiis Fratrum Tertii Ordinis ad Congregationem Sac. Inquisitionis delata fuerit.

Votum dicte Congregationis fuit,

expedire pro præfatorum Fratrum & Sororum securitate ac beneficio, & ad confusiones, ac deordinationes ejusmodi penitus tollendas, ut, juxta id, quod laudatus Prædecessor Paulus V. pro omnibus Ordinibus Regularium providè ac opportunè præstitit, Nos etiam omnes & singulas Indulgentias & peccatorum remissiones prædicto Tertio Ordini Sæculari Sancti Francisci, sive directè, sive per communicationem, sive alio quovis modo hætenus concessas annullaremus, & revocaremus, & alias particulares eidem concederemus.

§. 5. Nos, maturâ super hoc consultatione præhabita, ac Fratribus, & Sororibus præfati Tertii Ordinis Sæcularis de Penitentia, sub cuiuscumque Ordinis Regularis Sancti Francisci directione ac regimine, tam in cujuslibet hujusmodi Ordinis Conventibus, sive aliis collegialiter, quàm etiam in domibus privatis seorsim viventibus, spirituale solatium & juvamen afferre cupientes, Motu proprio, & certa scientia, ac de Apostolica potestatis plenitudine; infra scriptas Indulgentias & peccatorum remissiones de novo duximus concedendas.

§. 6. Omnibus igitur utriusque Sexus Christianidelibus, qui dictum Ordinem Sæcularem Sancti Francisci de Penitentia nuncupatum imposterum ingredientur, die primo eorum, vel earum ingressus, si verè pœnitentes & confessi, Sanctissimum Eucharistiæ Sacramentum sumpserint, Plenariam:

§. 7. Nec non eisdem nunc, & pro tempore existentibus Fratribus, & Sororibus, verè pœnitentibus, & confessis, ac Sacra Communionem receptis, qui in Festis Sancti Francisci Assistentis Confessoris die 14. Octobris, & Sanctæ Claræ Virginis, nec non Sancti Titularis eorum Ecclesiæ, sive Oratorii, aut Cappellæ, & in die Dedicationis Sanctæ Mariæ Angelorum secunda Augusti, a primis Vesperis usque ad occasum solis, suam Ecclesiam, vel Oratorium, aut Cappellam hujusmodi devotè visitaverint, & ibi pro Christianorum Principum concordia, hæresum extirpatione, & Sanctæ Matris Ecclesiæ exaltatione, piæ ad Deum preces effuderint, singulis diebus, quibus id egerint, etiam Plenariam:

§. 8. In cujuslibet verò mortis articulo, si pariter verè pœnitentes, & confessi, ac Sacra Communionem recepti, vel, quatenus id facere nequiverint, saltem contriti, Sanctissimum Jesu Nomen ore, si potuerint, sin minus corde devotè invocaverint, Plenariam similiter omnium peccatorum suorum Indulgentiam, & remissionem misericorditer in Domino concedimus, & impertimur.

§. 9. Item eisdem Fratribus, & Sororibus, qui suam Ecclesiam, vel Oratorium, vel Cappellam diebus Stationum, in Missali Romano descriptis, devotè visitaverint, & ut præfertur, oraverint, ut easdem Indulgentias consequantur, quas præfatis diebus, visitantes Ecclesias Urbis & extra eam consequuntur, perinde ac si ipsas Urbis Ecclesias personaliter visitarent, concedimus pariter, & indulgemus.

§. 10. Eisdem quoque verè pœnitentibus, & confessis, ac Sacra Communionem receptis, in Festis Impressionis Sacrorum Stigmatum ejusdem Sancti Francisci, nec non Sancti Ludovici Galliarum Regis, & Sanctæ Elisabeth Reginæ Portugalliæ, & Sanctæ Elisabeth Hungariæ pariter Reginæ, nec non Sanctæ Margaritæ de Cortona, atque in duodecim aliis Anni feriatis, vel Dominicis diebus per ipsosmet eligendis, ac a Superioribus Ordinis approbandis, ut supra visitantibus, & ut præfertur, orantibus, quo die præfatorum id egerint, septem Annos, & totidem Quadragenas:

1751.
omnes Indulgentias abrogandas, aliasque de novo concedendas.

Pontifex itaque de novo infra scriptas Indulgentias, & Sororibus Tertii Ordinis concedit.

In die ingressus Plenariam.

In quatuor Anni Festis etiam Plenariam.

In mortis articulo etiam Plenariam.

Indulgentias Stationum Urbis.

In XVII. Anni diebus, VII. annorum, & totidem quadragenarum.

Pro operibus
piis peragen-
dis centum
dierum.

Omnes verò
alias Indul-
gentias revo-
cat.

Clausula.

Mandatum
Ordinarius
super præ-

§. 11. Quoties verò Missis, & aliis Divinis Officiis in Ecclesia, seu Oratorio, vel Cappella hujusmodi pro tempore celebrandis, & recitandis, seu Congregationibus publicis, vel privatis ejusdem Tertii Ordinis ubiis faciendis interfuerint, ac pauperes hospitio susceperint, vel pacem inter inimicos composuerint, seu componi fecerint, vel procuraverint, vel etiam, qui corpora Defunctorum, tam Fratrum, & Sororum hujusmodi, quam aliorum, ad sepulturam associaverint, aut quascumque Processiones de licentia Ordinarii faciendas, Sanctissimumque Eucharistiæ Sacramentum, tam in Processionibus, quam cum ad infirmos, seu alias quocumque, & quodcumque pro tempore deferretur, comitati fuerint, vel impediti, Campana ad id signo dato, semel Orationem Dominicam, & Angelicam dixerint, aut quinquies Orationem, & Salutationem eandem pro necessitatibus Sanctæ Matris Ecclesiæ, five pro Animabus Defunctorum Fratrum, & Sororum hujusmodi recitaverint, aut devium aliquem ad viam salutis reduxerint, & ignorantes Præcepta Dei, & quæ ad salutem sunt, docuerint, aut quodcumque aliud pietatis, vel charitatis opus exercuerint; toties, pro quolibet prædictorum operum exercitio, centum dies de injunctis, seu alias quomodolibet debitis penitentis in forma Ecclesiæ consueta relaxamus.

§. 12. Cæterum, omnes & singulas Indulgentias, & peccatorum remissiones, Fratribus, & Sororibus Tertii Ordinis Sancti Francisci de Pœnitentia, sub directione & regimine cujuslibet Ordinis Regularis ejusdem Sancti Francisci, tam in cujuslibet dicti Ordinis Conventibus, five aliis collegialiter, quam in Domibus privatis seorsim viventibus, tam directè, & immediatè, quam promiscuè, & aequè principaliter, five alio quocumque modo per communicationem cum omnibus & singulis Ordinibus Regularibus Mendicantium, & non Mendicantium, tam vigore Privilegorum, & Litterarum Apostolicarum, quam vivæ vocis oraculo, aut alias quovis modo per quoscumque Romanos Pontifices Prædecessores Nostros, ac Nos, & Apostolicam Sedem hæcenus concessas, confirmatas, approbatas, & innovatas, prædictis motu, scientia, auctoritate, & tenore, revocamus, cassamus, annullamus, & abrogamus, & ad præsentium nostrarum Litterarum præscriptum reducimus, & moderamus.

§. 13. Præsentem autem Litteras, & tam revocationem hujusmodi, quam concessionem superius expressas, etiam si dicti Tertii Ordinis Fratres, aut Sorores, seu alii quicumque in præmissis interesse habentes, vel habere quomodolibet prætendentes, eisdem non consenserint, nec ad ea vocati aut auditi fuerint, nullo unquam tempore impugnari, seu de voluntatis Nostræ defectu, aut subreptionis, aliove quolibet vitio notari, vel adversus eas apertitionis oris, restitutionis in integrum, aliudve juris vel facti remedium impetrari posse, sed semper & perpetuò firmas, & efficaces existere & fore, suorumque plenarios effectus sortiri & obtinere, & ab iisdem Fratribus, atque Sororibus, aliisque, ad quos pertinet, in omnibus & per omnia observari; sicque & non aliter per quoscumque Judices Ordinarios, & Delegatos, etiam S. R. E. Cardinales Indulgentis, & Sacris Reliquiis præpositos, aliosque, etiam de Latere Legatos, & Apostolicæ Sedis Nuntios, de præmissis judicari, interpretari, ac definiti debere decernimus; atque irritum & inane, si secus a quoquam cujuslibet auctoritatis præsidio scienter, vel ignoranter contigerit attentari.

§. 14. Quocirca Venerabilibus Fratribus Ecclesiarum Episcopis, aliisque Locorum Ordina-

riis, nec non prædictis Apostolicæ Sedis Nuntiis, & Sancti Officii Inquisitoribus, harum serie, & dictâ auctoritate committimus & mandamus, ut nullas alias Indulgentias, seu peccatorum remissiones, præter præmissas, per eosdem Fratres, atque Sorores, seu alios quocumque, tamquam prædicto Tertio Ordini Sæculari specialiter, & intuitu eorum Instituti competentes, vulgari, nunciari, aut proponi permittant; sed ipsarum præsentium tenorem per ipsos fideliter, ut par est, observari faciant; contumaces atque rebelles, si qui fortè adversus eas venire præsumperint, omnibus juris remediis, appellatione postposita, compescendo.

§. 15. Non obstantibus prædictis Pauli V., & Innocentii XI., aliisque quibuslibet Constitutionibus & Ordinationibus Apostolicis, nec non de jure quæsto non tollendo, aliisque Nostri, & Cancellariæ Apostolicæ Regulis, ac ejusdem Tertii Ordinis Sæcularis, etiam confirmatione Apostolica, vel quavis firmitate alia roboratis Statutis, & Consuetudinibus, Privilegiis quoque, Indultis, & Litteris Apostolicis præfato Tertio Ordini, ejusque Dombus, Collegiis, Superioribus, & personis, atque etiam cuilibet Ordini Regulari Sancti Francisci, ejusque Superioribus, in contrarium præmissorum quomodolibet, etiam post prædictam Pauli V. revocationem, concessis, confirmatis, & innovatis, Quibus omnibus & singulis, etiam si pro illorum sufficienti derogatione de illis, eorumque totis tenoribus, specialis, specifica, & expressa, ac de verbo ad verbum, non autem per clausulas generales idem importantes, mentio, seu quavis alia expressio habenda foret, tenores hujusmodi præsentibus pro expressis habentes, pro præmissorum effectu dumtaxat, illis aliis in suo robore permanfuris, specialiter, & expressè derogamus, cæterisque contrariis quibuscumque.

§. 16. Volumus autem, ut præsentium Transumptis, etiam impressis, manu alicujus Notarii publici subscriptis, & Sigillo alicujus Personæ in Dignitate Ecclesiastica constitutæ munitis, eadem fides habeatur, quæ præsentibus ipsis Originalibus Litteris haberetur, si forent ostensa.

§. 17. Nulli ergo omnino hominum liceat, paginam hanc nostrarum concessionis, impertitionis, indulti, relaxationis, revocationis, moderationis, decreti, derogationis, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum.

Datum Romæ apud Sanctam Mariam Majorem Anno Incarnationis Dominicæ millesimo septingentesimo quinquagesimo primo, Idibus Martii, Pontificatus Nostri Anno Undecimo.

D. Card. Passionis.

J. Darius.

VISA DE CURIA

J. C. Boschi.

J. B. Eugenius.

Loço ✕ Plumbi.

Registrata in Secretaria Brevium.

Publicata die 29. Martii 1751.

missorum
observantia.

Derogatio
contumacis.

Fides præ-
stantia tran-
sumptis.

Sanctio po-
nalis.

Dat. Pont.
Anno XI. die
15. Martii
1751.